

Menningarfélag Akureyrar

Strandgata 12
600 Akureyri

Menningarfélag
Akureyrar

Menningar- og viðskiptaráðuneytið
Sölvhólsögötu 7
101 Reykjavík

Akureyri 09.09.2022

Umsögn um Stefnu í málefnum tónlistar 2023-2030

Menningarfélag Akureyrar fagnar því að stjórnvöld séu að setja stefnu í málefnum tónlistar.

Það vekur hins vegar athygli að hvergi er minnst á Sinfóníuhljómsveit Norðurlands sem er kyndilberi sinfónískrar tónlistar utan höfuðborgarsvæðisins. Áheyrendur og listamenn á Íslandi hafa kveðið upp sinn dóm um tilverurétt Sinfóníuhljómsveitar Norðurlands sem atvinnuhljómsveitar og mikilvægrar stofnunar í menningarlífinu á Íslandi með því að mæta á viðburðina annarsvegar og hinsvegar að svara kallinu þegar verkefnin kalla á mannskap til vinnu. Tilvera SN er hins vegar ekki bara menningarleg viðbót fyrir samfélagið allt heldur býr til auknar tekjur fyrir hið opinbera og er gjaldeyrisaukandi með tónlistarupptökum sínum fyrir erlenda aðila.

Í stefnumótandi byggðaaætlun fyrir árin 2022-2036 kemur fram að móta eigi stefna um uppbyggingu Akureyrar sem svæðisborgar meðal annars til þess að efla menningu. Það liggur í augum uppi að þar gegnir Sinfóníuhljómsveit Norðurlands lykilhlutverki hvað tónlist varðar sem eru einnig rök fyrir því að það komi fram í tónlistarstefnunni með hvaða aðgerðum Sinfóníuhljómsveit Norðurlands sé gert kleift að efla hlutverk sitt betur sem atvinnumannahljómsveit. Stefna Menningarfélagsins er að efla atvinnustarfsemi í sinfónískri tónlist en ein af forsendum þess er aukið fjármagn. Akureyrarbær og Menningarfélagið hafa talað fyrir því að skipting fjármagns frá ríkisvaldinu til starfseminnar ætti að vera 10% af því sem sambærilegar stofnanir eru að fá á höfuðborgarsvæðinu en er þá verið að miða út frá mannfjölda á upptökusvæði Norðurlands. Um leið og við leggjum áherslu á að byggð verði upp öflug atvinnustarfsemi í tónlist í kringum Sinfóníuhljómsveit Norðurlands – og segullinn stækkaður af ráðnum hug – þá sé hreyfanleiki tónlistarfólks í báðar eða allar áttir annað grundvallaratriði í uppbyggingu tónlistar um allt land.

Menningarfélag Akureyrar tekur einnig undir umsögn Hörpu með að það skýtur skökku við að það virðist lítið vera rætt um þau tónlistarhús sem gegna lykilhlutverki í dag eins og Hörpu, Hof og Salinn. Menningarfélagið vill því einnig hvetja stjórnvöld til þess að tryggja að stefna í



Menningarfélag Akureyrar

Strandgata 12
600 Akureyri

Menningarfélag
Akureyrar

málefnum tónlistar útfæri nánar með hvaða aðgerðum megi gera þessum menningarhúsum kleift að rækta menningarlegt hlutverk gagnvart tónlistinni betur.

F.h. Menningarfélags Akureyrar

Eva Hraun Eirnesdóttir

Framkvæmdastjóri Menningarfélags Akureyrar

